



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In Cœna Domini.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

tribus & nationibus. Occasio adorationis fuit, cum moreretur Jacob visitavit eum Joseph Filius ejus & juravit se ejus corpus non relicturum in Ægypto, sed in terram Chanaan translaturum, quo jurante adoravit Jacob summitatem virgæ Josephi, quam ut Prorex in manu gerebat, id est sceptrum, in summitate virgæ flos erat, sciverat Jacob egressurum de radice Jesse virgam hunc florem adoravit. &c.

In Coena Domini.

Iudic. 14. Samson cum Leone decertavit, & raprum ex illius ore favum attulit Matri, ita Christus cum morte pugnans, tanquam favum dedit Eucharistiam Ecclesiæ sed hæc nocet malis, sicut arca in templum Dagon introducta. Et sic decipiuntur aliqui, qui malè communicant, interea blandiuntur sibi, ut ille Dives Luc. 16. *Anima mea habes multa.* Opus est fide Moyse non permissus rubum ardentem accedere nisi solutis calceamentis, quæ erant ex pelle animalis, quod amplius non cognoscit, quam quod sensu percepit, sed neque intellectus mysteria capit. *DEUS habitat lucem inaccessibilem, seu In sole posuit tabernaculum suum.* Qui solem vult fixè intueri excæcatur. Ea quæ videmus, non percipimus; quid Divina? Dic quomodo magnes attrahit ferrum, acus magnete illita vertitur ad septemtrionem, fulmen solvit gladium illæsa vaginâ, Remora naves sistit, anima nostra spiritualis corpori unitur, & tota est in una parte, tota in toto? non intelligere sed credere DEUS nobis mandavit sua mysteria. Ps. 70. *Quia non cognovi literaturam introibo in potentias Domini Genebrard. Quia non satis intelligo mysteria DEI magnitudinem asserentia, veniam ad potentias DEI recolendas, sicque potentia DEI est superior nostro captu.* Accedendum cum charitate, nam peccata gustum tollunt, sicut abstulerunt

runt Judæis circa manna. Num. 21. *Anima nostra naufragat super cibo isto.* Et tamen fuit cibus Angelorum, cepas appetebant. Hoc ipsum etiam in tactu evenit Jer. 5. *Percussisti eos & non doluerunt.* Hic Christus ostendit quantum nos diligit, sicut in testamento ostendimus hoc ipsum, quando maximam partem alicui inscribimus. Unde aliqui Principes templis quæ amant sua corda inscribunt ut in iis sepeliantur. *Hic calice novi testamenti.* Dedit se quidem Christus etiam Angelis, sed non ita ut sit res illorum, nobis se dedit testamento, & quidem singulis, sic de illo participare potest pauper ac dives & dicere potest, *Dominus pars hereditatis meæ.* Testamento animam inscripsit, *Pater in manus tuas commendo spiritum meum.* Homines DEO inscribunt Animam, bona Amicis, corpus terræ. Nos terra, Nobis ille dedit corpus, bona non habuit. Aug. in Ps. 98. *In ipsa carne hic ambulavit, & ipsam carnem nobis manducandam ad salutem dedit.* Et sic impletum Eccles. 12. *Revertatur pulvis in terram suam, unde erat: & spiritus redeat ad Dominum qui dedit illum.* Sed nos Christi corpus non convertimus in nos: sed ille nos convertit in se. Reliquit nobis corpus quod valdè dilexit, & ratione cuius appellabat se Filium hominis, & hoc toties. Cum DEUS animaret Adamum inspiravit in illum: modò cum hominem roborat dat illi corpus suum. Lac Matris maxime nutrit Infantem, nos Christi sanguis. Cum peccasset homo, fugiebat DEUM, factus est DEUS homo, ne illum fugeret amplius homo, modò cum ex mundo pellitur Christus, *pridie quem pateretur,* fit illi cibus, invenit modum quo per mortem non divideretur ab homine. Et sic *in finem dilexit nos,* quia nobiscum in Sacramento manebit ad finem mundi, de quo Nazianz. *Magnum inventum, absens presentia, & presens absentia.* Absens quia non videtur, est tamen presens. *In finem dilexit* propterea S. Cypr. hoc Sacramentum vocat, *ultimam mensuram* scilicet chari-

charitatis, Garzias. *Omnia in unam Eucharistiam Christus, & opera & gratias asservavit, in illa thesaurorum dona cumulavit, omnes amoris divitias in istam arcam effudit.* Sicut quando donatur monile, dantur & gemmæ quæ in eo continentur: ita cum dedit corpus & sanguinem, dedit investigabiles divitias Personæ suæ convenientes, benedictionem, dona supernaturalia, satisfactionem, donavit. Bern. in illa. *Consecidisti saccum meum.* Considerat corpus Christi fuisse thesaurum, in eo sunt adiumenta ad nostram vitam emendandam, ita ut plus una communio devota profit ad hoc quam reprehensiones, exemplum est in discipulis euntibus in Emmaus, qui ex nulla re ita profecerunt, atque dum Christus illis fregisset panem. In hoc thesauro corporum nostrorum sanitas. *Ecce lignum vitæ.* In hoc vita æterna. *Qui manducat me, vivit propter me. Sicut vivo propter Patrem, sic vivit propter me.* Vivit eadem vitâ quâ Pater, & nos eadem vivemus quâ Christus, ut dicere possimus. *Vivo ego jam non ego, vivit vero in me Christus.* Quò altiùs ascendere possumus, non solum nos facit cohæredes, sed in se mutat. *Quid retribuam Domino?* Suggestit quid. *Calicem salutaris accipiam.* Contemnit hanc gratiam qui illa non utitur, qui mavult bobus, prædiis vacare, &c. *Quam ad cænam venire.*

In Festo S. Georgii Mart.

Sanctum hunc Græci in suo Martyrologio vocant magnnum Martyrem & antesignanum, similis Equiti missocelitus 2. Machab. II. *Apparuit Eques in veste candida. armis aureis, hastam vibrans, tunc omnes benedixerunt misericordem Dominum, & convulnerunt animis, non solum homines, sed bestias ferocissimas, & muros ferreos parati penetrare.* Hujus Sancti ope Nicephorus Imp. victoriam in bello obtinuit. Cedren. in compendio. Hujus ope